

बच्चन के ले बाइबिल
देत है

परमेश्वर को
सेवक – बालक,
शमूएल



द्वारा लिखत: Edward Hughes

द्वारा चित्र: Janie Forest
Alastair Paterson

द्वारा अनुकूल: Lyn Doerksen

द्वारा अनुवाद करो गयो:

द्वारा बनाओ: Bible for Children
www.M1914.org


©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



हन्ना एक अच्छी अउरुत हती अउरु एक भले आदिमी एल्काना से
बिआउ करो। बइ दोनउ परमेश्वर की पूजा कत्त हते अउरु दुसरेन के लै
दया पात्र हते। लेकिन हन्ना की जिंदगी मा कुछु कमी रहि गयी हती।

बा एकु लड़िका चांहति हती। ओह,
बा एकु लड़िका चांहति हती पर
कइसे! बा इंतजारु करो अउरु दुआ
करी अउरु आशा रखी अउरु थोरो
अउरु इंतजारु करो। कोई
लड़िका पइदा नाइ भौ!





हरि साल, हन्ना परमेश्वर के
मंदिर मा पूजा कन्न जाति हती।
एक साल एक साल बाने दुआ
करी की प्रभू अगर बाई लड़िका
दिहीं, तउ बा हमेशा के लै बा
लड़िका कौ परमेश्वर को
सेवक होन के लै दइ दिही।



बूढ़े एली पुजारी ने हन्ना
को दुआ कत्ति देखो। एली
ने सोची की हन्ना शाराप
के नशा मा हइ क्योंकि
हन्ना के होट ता हल्लत हते
लेकिन कोई आवाज नाइ
आउति हती। एली ने
हन्ना को हटको!





लेकिन हन्ना ने एली को एक लड़िका के लै अपनी दुआ अउरु परमेश्वर से करे भै बाइदा के बारे मा बताओ। “शांति से घरइ जा,” एली ने आशीष दइ। “अउरु इस्राएल को परमेश्वर खुदइं तुमारी दुआ को पूरो करिही जो तुमने बासे मांगी हइ।” एली की बातन ने हन्ना को बड़ी हिम्मति बंधाई।



जल्दीअइ बड़ी खुशी से हन्ना को दिलु भरि गओ। “यहोवा ने बाई यादि करो” अउरु बाकी दुआ को जबाबु दौ। हन्ना अउरु एल्काना के एकु लड़िका भौ अउरु उन्ने बाको नाउ शमूएल धरो (जिसको मतलब हइ “परमेश्वर ने सुन लई”) लेकिन का हन्ना कौ परमेश्वर अउरु परमेश्वर से करो बाइदा यादि हतो।





हन्ना ने हर साल मंदिर
जइबो बंद कर दौ। ओह,
प्यारे! का बा परमेश्वर से
करे भै बाइदा कौ तोरे
देति हती? नाइ, हन्ना
इंतजार कत्ति हती कि
शमूएल रहन के लै अउरु
परमेश्वर की सेवा कन्न के
लै एली की मदति कन्न
के लै बड़ो हुई जाई। तब
बाई मंदिर मा लइ जांइ।





परमेश्वर ने हन्ना की जा बड़ी सच्चाई की इज्जति करी। शमूएल के बादि, परमेश्वर ने बाई अउरुउ तीन लड़िका अउरु दुई लड़िकिनी दइं। हरि साल हन्ना परमेश्वर की पूजा कन्न के लै मंदिर जाति हती – अउरु शमूएल के लै बा कपड़ा बनाई के लाउति हती।





केवल शमूएल ही एली को मदति कन्न बालो नाइ हतो। एली के लड़िका, होप्री, अउरु पीनहास भी हुआँ कामु कत्त हते। लेकिन बइ अपने दुष्ट कामन से परमेश्वर की बेज्ती कत्त हते, हिंआं तक कि उनके बाप एली के बिनती कन्न पर भी बइ नाइ बदले। एली कौ उनई मंदिर से निकार दीबे हतो। लेकिन बाने अइसो नाइ करो।





एक राति शमूएल ने एक आबाज सुनी जो बाइ बुलाउति हती। बालक शमूएल ने सोची कि एली बुलाउत हंड, “हम हिंआं हंड” बाने कही। “हमने नाइ बुलाओ” अइसो तीन दांउ भौ। तब एली जानि गौ कि परमेश्वर शमूएल से बात करिबो चांहत हंड।





एली ने शमूएल कौ
बताई कि, “अगर बउ
दुबारा से बुलाबइ, तउ
तुम कहिअउ, ‘तुमारो
दासु सुन्ति हइ’
परमेश्वर हमसे बात
करउ।” फेरि बाई
बुलाओ, ‘तुमारो दासु
सुनि रहो हइ, परमेश्वर
ने शमूएल कौ एक बहुत
जरूरी सन्देशु दौ।




सबेरे कौ एली ने शमूएल से कही, एली ने पूंछो। “बउ का हइ जो यहोवा परमेश्वर ने तुमसे कही हइ?” बालक ने एली कौ सब कछु बताई दइ। जउ एकु डर से भरो संदेशो हतो – परमेश्वर होप्री अउरु पीनहास की गन्दी हरकतन की बजह से एली के पूरे परिवार कौ नाशु कन्न जात हते।




परमेश्वर की चितउनी साँची हुई गयी।
पलिस्तीन के संग एक लड़ाई मा, एली
के दोनउ खराबु लड़िका इस्राएल की
सेना के आगे परमेश्वर के बाचा के
संदूख की देख रेख कत्त हते। दुशमनन
ने बाचा के संदूख पर कब्जा करि लौ
अउरु कुल्लि इस्राएलिन के संग होप्री
अउरु पीनहास कौ मारि डारो। जब
एली ने जा सुनी, बउ अपने आसन
से गिरि परो, बाकी गद्दनि
टूटि गयी। अउरु बाई
दिन बउ मरि गओ।



परमेश्वर को बाचा को संदूखु पलिशितअन पर मुसिबति लाओ।
उन्ने बाचा के संदूख कौ दागोन नाउ के, अपने झूठे देवता के मंदिर
मा धरि दौ। सबेरे कौ देखो, ता दागोन की मूर्ति औंधे मुंह परी
हती। पलिशितअन ने दागोन कौ बापिस उठाइ के धरि दौ - लेकिन
दूसरे सबेरे कौ बउ फेरि नीचे परो हतो। जा दाँउ दागोन के कुल्लि
टुकड़ा हुई गये हते।





पलिशितअन के बीच बीमारी
अउरु मरी फइलि गयी। जा
देखन के लै कि परमेश्वर उनई
दंड देत हंड, पलिशितअन ने
संदूख कौ लठी मा धरि के
गइयन की मदति से पठइ दौ।
लेकिन उन्ने गइयन के बछरन
कौ राखि लौ। “अगर बइ
गइयां इस्राएल तक चली
जइहीं, तउ गइयन के बछरन
कौ छोड़ी दिहीं। उन्ने कही, तउ
हम जनिहीं कि परमेश्वर ने
जउ सबु करो हइ।” अउरु
गइयां चली गयीं।





तब शमूएल, जो अब बड़ो हुइके एकु आदिमी हुइ गओ हतो, इस्राएल के सब लोगन से बात करी “अगर तुम अपने पूरे मन से... परमेश्वर की तरफ लउटि आबउ तउ बइ तुम सब कौ उन पलिशितान के हांथन से बचइही।” लोगन ने परमेश्वर के इमानदार भविष्यवक्ता की बात मानी। अउरु शमूएल के सब दिनन मा प्रभु को हाँथ पलिस्तिन के खिलाप हतो।



परमेश्वर को सेवक – बालक, शमूएल
परमेश्वर के वचन से बाइबिल की एक कहानी
में पायी जाती है

शमूएल १-७

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

